

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件广告宣传页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件广告宣传页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



近代中國史料叢刊續編第十三輯
沈雲龍主編

清代毘陵名人小傳稿

張維驥纂

文海出版社
有限公司印行

近代中國史料叢刊續編 第十三輯

目錄

清代毘陵名人小傳稿	張維驥纂
愚齋存稿 卷一至卷二十五 奏疏·電奏·電報	盛宣懷撰
愚齋存稿 卷二十六至卷五十 電報	盛宣懷撰
愚齋存稿 卷五十一至卷七十五 電報	盛宣懷撰
愚齋存稿 卷七十六至卷一百 電報·補遺·東游日記	盛宣懷撰
愚齋未刊信稿 光緒二十三年至民國四年 附：家書	盛宣懷撰
庚子都門紀事詩	延清撰
張謇傳記	劉垣著
記章太炎先生（附太炎文錄續編）	沈延國著
吳稚暉先生紀念集	楊愷齡編

WT 233/02/10

清代毗陵名人小傳稿卷九

邑後學張惟驥季易纂

方 楷△子賓楷

楷原名愷字子可又字引康陽湖人駿謨子幼時乳婢不謹下階傷脊遂有
 僂疾長老相顧曰此子能永其年不隕嗣緒足矣弱冠從父客大梁厲志進
 學鬱然成人之規於是向之長老咸歎息以曩言為失同治初復從客皖大
 學士曾文正公國藩過其父邸舍見所業大異之謂人曰方氏子形不滿五
 尺自吾視之不誠丈夫哉文正號知人不以貌取者也語既聞海內達者爭
 願識君在皖以輿地之學贊軍政在徐以鉤稽之法治兵精合肥張靖達公
 督兩廣以幣聘遂至廣州為數學教授又十年粵之為疇人者多出門下南
 皮張文襄公來繼靖達檄纂廣東海道圖說數萬言四方殷重西洋形數測
 量之學一見即能通曉於書無所不窺以天算地輿專家名世所治水經注
 圖糾正汪梅村之失精核不刊偶作山水小品有雲林衡山之風

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件广告宣传页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



賓穆字瘦尹號久臺楷子光緒甲午副貢安徽候補知州署繁昌縣知縣緣事鐫秩發憤講新學究時務爲南京方言學堂監督保定高等學堂總教習盡讀漢譯日本書窺見西人殖財之術慕爲商更慕海上無本而藉商以爲生者以爲服食居處華美固勝於五斗米折腰嘗因買書與書賈狎以書業散漫無聯絡發起組織書業公會既與諸商習又組織麪粉業公會於是各業仿效公會乃林立矣國變後上海商業益蓬勃官與商交涉益繁蹟凡大興革大關係一切重要文字半出其手民國二十七年卒於滬年七十一賓穆長身鶴立伉爽有豪氣少以名家子負儁才文章詞賦方輿天算皆能窺其奧工篆籀山水尤具天才

陸爾熙△弟爾毅

爾熙字廣敷號緝齋陽湖人同治二年進士官編脩記名御史爲文精密不肯苟下一字潔身自好官京師靜納不通聲氣課徒自給終以此致疾同治十年卒年三十七

爾毅字霖生爾熙弟少工詩文七試南北闈不售遂屏棄科舉家居講學其

施教也於經則注重春秋左氏傳輔以顧氏春秋大事表於史則注重司馬氏資治通鑑輔以王氏讀通鑑論研求經史必明地理則取材於李氏五種立身處世之方備於論孟進退儀節遵朱子小學皆不可不讀此外則以汪龍莊遺書檢束身心聰訓澄懷園語涵養情性至是亦可謂之成人若才能有餘則博涉諸家可矣又謂儒者不可不知醫陳修園之書實入門佳徑爾穀言規行矩被服儒素內行修飭陸氏子弟之謙謹有禮著稱邑中門下成材爲數不少如近今創編辭源之陸爾奎創編中醫辭典之謝觀皆其及門弟子也清光緒二十八年以腹疾卒年六十

馬文植

文植字培之武進人本姓蔣祖某學醫於馬氏遂從其姓世業醫文植尤精外科同光時負盛名孝欽太后有疾詔入診治至卽召見奏對稱旨有脈理精細之諭恩禮優渥疊賜福字金錢白金果實鹿脯之屬在廷之臣莫能望其榮寵以闖人索賄辭歸歸後數月聖躬大安乃命南書房翰林書務存精要扁額一方賜之文植自被徵入都至奉詔回籍九月餘事著紀恩錄以載

之史遷太倉公傳所載臣意云云者不過其應詔答問之語太倉固未得見文帝也文植出入禁門親承天語仰瞻闕廷之壯麗與王公貴人俯仰揖讓於其間遭逢之盛遠軼古人讀紀恩錄視太倉公傳所載臣意之言不更可觀乎作史者用臣意之例備載此篇亦國史方技傳中一佳話也

△陳亮疇子允頤 重威 允豫

陳亮疇字德生號魯農武進縣學廩生道光己酉拔貢咸豐壬子舉人癸丑進士授職翰林院編修提督雲南學政時洪楊亂熾道途梗阻眷屬留常州未出咸豐庚申江南大營潰洪軍東下常州亦破全家盡燬僅胞姊徐貞孝代攜三子得脫亮疇因身遭不幸差罷北回雖授職御史恆鬱鬱不樂乞假漫遊卒於武昌年四十七時同治八年也平生勤學博覽貫徹百家尤工書法與同邑莊耀采友善耀采宗右軍率更筆法以挺秀為主亮疇則以北海爲主輔以山谷參以襄陽姿勢用筆尤沈著神化所書武昌黃鶴樓銘豐碑屹立魄力雄偉時稱傑作子三允頤重威允豫

允頤字養原亮疇長子監生同治癸酉舉人隨黎庶昌出使俄羅斯歸任日

本國橫濱築地相館等處領事歷保內閣中書候選同知晉階知府旋以道員分發湖南候補爲兩湖總督張之洞所器重辟置幕府光緒二十三年與直隸總督榮祿先後以人才保薦遂簡授浙江溫處兵備道到省時適杭州將開商埠百端待理大府卽留署杭嘉湖兵備道兼杭州關監督辦理開埠事宜旋卽歷署鹽運使司按察使司允頤丰姿颯爽襟懷豪放雄辯滔滔所辦外交無不融洽大府倚之如左右手二十五年歲暮以中風卒於杭州年五十一

重威字容民亮疇次子縣學生光緒丙子舉人入直隸總督李鴻章幕府十年不求聞達以大挑得選江蘇省吳縣教諭旋入浙江巡撫惲祖翼任道鎔幕屢以人才保薦部選山西省孟縣知縣歷署高平等縣又入山西巡撫張曾颺幕補授太原府理事通判武川廳理事同知汾州府知府署冀甯兵備道民國成立歸寓滬上傭書講學以通經致用爲主二十六年以足疾卒年八十六重威少習內功攻史地實學私淑曾文正最切歷任封疆大幕措施省政無不應咸宜古文宗桐城派書法宗米襄陽行誼宗朱晦庵門人私

諡曰貞毅先生

允豫字鑑漚亮疇三子縣學生少與次兄重威敦品勵學講求文章經濟一時軼轍齊名願以試藝難合有司程度久困場屋中年後方以知縣分發浙江補用歷任溫州洋廣局及省會各要差事無不舉旋署長興縣知縣政平訟理值冬漕改折舉措未能合法遂望吏議賠累去職兩廣總督袁樹勛聞之亟羅致幕府時當籌備立憲文書旁午兩廣居南洋要衝事尤繁劇關於新政施設一委允豫主持綱舉目張不勞而集成績冠各省因體氣豐腴不耐南方卑濕宣統二年以腹疾卒於廣州年五十四

△管元善

元善字凌雲常州府學附生屢試不售父某兩淮鹽運通判爲納貲捐布政司經歷分發福建省委用雖資勞略積亦未有以異也光緒十年法越戰起閩海戒嚴事平改台灣島爲行省移福建巡撫駐紮島中而以淮軍勇將劉銘傳任之調先生赴台灣差遣一見許爲大才留置幕府歷保至台北府知府常參省政建設甚多光緒二十年中東戰起割讓台灣島仍回福建省辦

事歷任興化邵武泉州知府延建邵兵備道興泉永兵備道民國成立歸里五年以類中風病卒年六十八元善精于吏事練達人情從政數十年常能銷患於未萌定變於已著不矜不揚洪纖畢舉故所至有聲輿情融洽兼以篤於故舊清正無私故解組歸來仍如寒素

沈昌宇

昌宇字子佩武進人同治三年舉人大挑一等以知縣分發直隸一署永年縣知縣而卒少經亂離長復不遇才人失職侘傺不平身世多感每每託諸吟咏其填詞百篇皆商聲也

莊士敏

士敏字仲求武進人諸生同治間以同知署福建霞浦縣知縣有才能以勞卒精駢偶文尤善尺牘

吳璵

周同穀

璵字瑟甫武進人諸生性狷介隘不諧俗攻古文辭輒似汪中喜畫屋舍千門萬戶疏密曲折不爽毫髮尤工細書同光間毗陵之士負才不遇者有

二甫焉一璵一周同穀鈞甫鈞甫曾以布衣上萬言書屢試不售爲文誦法先正不屑揣摩時尙也

黃懷孝

懷孝字武香武進人諸生博學詳識善古文峻潔廉悍自成一家問業者衆撰述經兵燹而佚僅有存者

陳烜

烜字叔明號潛翁陽湖人官浙江鹽大使工詩善畫精音律宦浙時與一時文學士結翰墨緣湖山吟賞無虛日歸後杜門參究佛學

汪彥份

彥份字同孫陽湖人昉子湖北同知性伉爽飲酒使氣而胸無城府工篆隸書山水花鳥無不精好人謂山水雖不及其父蒼厚而秀逸過之

譚彥彬

彥彬字次遠號樗園陽湖人同治十年進士翰林院編脩官至工部右侍郎卒諡文簡歷掌文衡而淡於榮利自視學廣東任滿卽退歸田里與二三同

志研求學問不問世事工分隸能花卉別饒風趣尤精鐵筆

錢嚮杲

嚮杲原名福蓀字鶴岑陽湖人光緒元年舉人官內閣中書頗思有以自見於世乃名場困頓卒未得志俯仰身世有不能已於言者時寄之於詩其詩爲李爲杜牢籠衆有

徐壽基

壽基字桂珩武進人光緒六年進士山東某縣知縣博學工文著述頗富並精賞鑑

汪孝寬

孝寬字子韶陽湖人光緒五年舉人幼值髮匪之亂年十餘始就學性總穎工詩與呂景端友善每相與角詩孝寬詩思神速爲景端所不及

湯世樹

世樹字潤之號脩叟別號春雨樓主人武進人善畫花卉賦色鮮麗雅秀真能飲甌香館滴乳並世無與爲匹毗陵畫學之中興也工書摹米海嶽精者

得其神髓

湯 鉉

鉉字東笙陽湖人宛平籍官寧海知州工花卉擅白陽派善文翰

莊鳳威

鳳威字耀采號巢阿武進人官歸安縣知縣平生篤於風義尤擅書法得晉唐人筆意名重一時

△湯國培子沛

國培字訥齋武進人附貢生候選訓導平生肆力於詩古文辭爲文操筆立就工書法能畫蘭又通岐黃之術授徒里中成材甚衆著錄弟子前後不下百餘人名孝廉錢鏐徐文田等皆出其門下當時莊大令鳳威罷官里居常設會課以試士子乃敦請國培評定甲乙沈編修同芳其時年方成童試輒列前茅說者謂能鑒拔後進云光緒十五年卒年五十子沛字鞠隱號企翔性孤介高潔通訓詁工詞章爲文力追騷選詩歌直逼李賀同輩咸以詩人目之因困頓場屋未得一衿光緒二十年鬱鬱而卒得年僅三十友人徐涵

輓之曰嫉俗傷懷憤世成疾三十年豪飲悲歌重泉應作不羣鬼長卿病肺
昌谷嘔心一百首淒清絕調千古如聞太息聲蓋實錄也

高粹曾

粹曾字純士武進人諸生書法二王銀鉤鐵畫瘦硬如其人

朱兆綸

兆綸字紫蘅武進人諸生性穎敏善文辭尤精醫有名

馬寶文

寶文字芷名又字相如武進人諸生自號柳隱詞人詞多側豔悼亡詞尤真
摯不忍卒讀

△盛 隆子康 廣

隆字樹堂號惺予別號龍溪主人晚號拙園叟武進人父洪仁以孝聞事載
邑志并桑梓潛德錄隆生而穎異幼時受四子書即能明義利之辨及長益
研心經史務爲有體有用之學以名諸生舉孝廉議敘得知浙江安吉縣歷
任太平長興臨海德清孝豐歸安山陰等縣及海寧州知州潔己愛民善聽

斷無留獄所至有政聲嘗自題大堂聯云不徇情不愛錢一副冷面皮但知執法勿矜才勿使氣滿腔熱心血總期無刑可以窺見其用心矣退歸後修譜建祠置義田敬宗收族以爲己任晚年尤好學不倦嘗手輯人範一書行世嘉惠後學至今勿替八十一歲重游泮宮適兩孫同於是年入泮學院頒賜攜孫同游扁額一時傳爲佳話

康字鼎存號旭人別號待雲龕主晚號留園主人隆仲子也隆學優而仕以廉能稱康少敦敏習庭訓且隨宦久益嫻當世之務初以進士授主事旋外任皖省銅陵縣值江岸潰決治壩工費省事歲活人無算旣而治廬州和州皆值巨潦毀堤常昕夕督治泛粟飼飢者嫗煦慰勞民皆環泣道光壬子安慶江寧相繼陷隨向忠武公辦糧台無役不與尤以調和川楚將領改編鄉郡團練爲時所利賴忠武薨某軍漸不振知江南行且糜爛皖亦殘破難自立欲肅清全局應取建瓴之勢會胡文忠公治兵鄂中遂以道員往湖北文忠一見卽以全省釐政委之杜侵漏摶浮靡收入大贏文忠至以蕭何關中相推許尋掌漕政值川淮爭議久不決康力主川淮並行議遂定而利益溥

同治丁卯以父憂歸隱後以各方敦迫迺再出改官浙省歷縮軍需牙釐政績一如鄂中光緒甲申之役法艦窺甬洋時適任杭道固防裕餉轄境晏然最後攝臬篆嚴飭所屬清讞牘省訟累於刑獄尤矜慎焉晚年就養歸里後置贍族田數千畝於常於蘇均立義莊建人範書院設蘇常棲流所義塚丙舍等善量之宏足垂久遠生平爲學不鶩章句斬於致用手纂皇朝經世文續編尤足灌溉後學云

賡隆季子字璞存號朴人別字莪園逸叟習於庭訓官湘三十年歷任長沙善化瀏陽沅江安鄉道州等州縣並升授桂陽直隸州知州以清廉著考績稱最解組後典質始得歸里百姓遮道有送至境外者其遺愛在民概可想見歸休後益好施不倦遇親友困苦者常借貸以周濟至今鄉人猶稱道之

△盛宣懷

弟星懷

宣懷字杏蓀一字幼勗號次沂又號補樓別號愚齋晚號止叟武進人祖隆父康均別有傳幼穎悟好深湛之思庚申之役郡城既陷避難之鄂時父康任湖北鹽法道值川淮互爭引地久不決宣懷陳川淮並行之議康納之以

上聞卒如議行時年才十七耳年二十四補縣學生屢躋秋闈乃以議敘主事改直隸州潯保道府由道員而四品京堂歷官天津河間兵備道登萊青兵備道東海關監督津海關道津海關監督太常寺少卿宗人府府丞工部左侍郎郵傳部右侍郎而尙書而大臣以贊襄和議保護東南之功賞加太子少保銜歷充督辦鐵路總公司事務辦理商稅事務大臣中國紅十字會會長籌振大臣

庚子五月拳匪事起宣懷在鄂途次首電榮相裕督謂拳民燬路戕官應以匪論抵滬後朝廷明詔各省招拳民禦外侮心知其矯僞卽電告各疆帥勿聲張勿轉行江鄂閩粵四督帥皆贊成亂命不可從之議時各國紛調兵艦江海各口人心惶惶乃首創互保之議日與各國領事商訂東南保護條款北事日亟迭發電奏請平亂懲禍首定大計籌補救會兩宮西幸李鴻章奉命議和邀宣懷隨行而慶邸則奏調入都江督劉坤一則以聯絡內外斡旋危局函電堅留鄂督張之洞亦有南方不可無公之電其時行在機要以上海爲集中地而宣懷爲之樞紐是役也可謂中國歷史之鉅變而宣懷實爲

轉捩之一人

其於經國大計謀富則主張造路開鑛圖強則主張練兵興學理財則主張設銀行增稅率改幣制外交則主張牽制均勢開放口岸陰結強援拯荒則主張濬治河道整實倉儲勸獎種植而於鐵道則主張幹路國有於幣制則主張虛金本位後之論治者皆鮮能出其範圍

其生平事業以漢冶萍爲最閔漢陽鋼廠成外人觀者皆贊嘆爲造極其次則鐵路電報輪船舉其犖犖大端鐵路則籌贖吳淞路督造蘆漢幹路籌造粵漢幹路辦理蘇杭甬路案電報則首造津滬陸線繼設各口岸陸線購拆英丹陸線並限制英丹水線以次建造全國陸線與各國訂立水陸接線合約輪船則招商先由官設局苦支五年迨收買旗昌公司之後駸駸駕怡和太古而上之怡太百方傾軋結果仍操勝算再其次則在上海創設華盛總廠實開中國紡織業之先河創設中國通商銀行爲銀行業之先河有關民生福利者如募捐放振幾終身與之爲緣卽在病榻中亦力疾爲之凡遇各省災稜或長途輸粟或工振兼施各界籌捐辦振者亦無不奉爲圭

臬其他如設立天津廣仁堂山東海口拯濟局如日俄之戰波及東省籌設中國紅十字會又與英人李德立籌設華洋義振會又在蘇州設立留園義莊其治河則主因地制宜不主規復故道開濬小清河一役尤功在地方至今口碑載道云

其辦理外交如與英議結滇案如密阻與俄訂三省專約如獻議以德屬意之金門島易膠澳如爭議山西福公司路礦如日俄之戰密陳安危大計主張朝鮮仿瑞士國例由數大國共同保護勿貪虛名而受實禍如主張賠款分攤免息主張免釐加稅等等或則曲突徙薪或則事後補救凡所策畫皆與國本國權有莫大之關係

其興學育才在北則首創電報學堂北洋大學在南則首創南洋公學并資遣出洋及捐建上海圖書館

其編印則有經世文續編及常州先哲遺書前後集選輯則有新舊養生學家言刊成衛生叢書等自著則有奏議二十卷電報六十卷公牘書函若干卷定名愚齋存稿而未刊行民國五年三月卒壽七十有三

星懷字次垣別字薇生宣懷之弟幼穎悟年十五入縣學文詞書畫及其他藝術一見卽能爲之家有園林聲色之樂亦落落無所好惟喜談天下事慨然有經世之志初至兄宣懷津海關道署襄辦海防光緒甲午中東事起朝命左衛葉三總兵戍朝鮮遂投筆從衛軍出關駐平壤見軍無鬥志知不可用請別練精兵衛不許固請不已乃以一軍屬之斯時也諸軍不相統屬互觀望莫能決一策八月之望諸將方置酒高會而敵兵猝至諸軍皆驚潰惟左總兵寶貴死之衛葉逃或勸從衛葉俱去怒叱之仗劍躍馬出與敵遇鎗礮彈雨集馬前仍奮不顧身大呼殺賊卒中多鎗墜馬而隕忠骸爲敵軍所踣踏至糜爛不可復辨識嗚呼烈矣年僅二十有三

方 恠

恠字子謹陽湖人始好泛覽後知其寡要乃求古文義法於桐城諸家以爲未足進求之聲音訓詁以爲未足進求之典章文物期致諸實用志廣而氣盛朋輩莫不畏憚嗜會稽章學誠書以爲能推原官禮深窺六藝之精微羣言之奧旨而部次條列比之劉向鄭樵而得其精可謂專家之學初不解算

術見勞乃宣筆算略數夕能通其法光緒四年以疫癘暴卒年三十貴筑黃彭年稱怪及蔣曰豫爲常州二子

方恆

恆字子永陽湖人光緒十九年舉人先是以績學名動京師教授天津水師學堂積資保舉知縣鄉舉後分發江西有吏才治牙釐局文書鈎稽悉當一權石城而卒清季吏習貪鄙以操權政爲榮牙釐局爲權稅總匯人得廁身充然色喜恆出入矚然不改其操江西故事官始任必驗胥役年貌名曰點卯更一吏胥役輒斂金上壽又曰點卯金恆至官胥役循故事以金進恆曰朝廷命官爲爾曹污耶斥去之胥役惕然願爲效命然卒以却金負虧求去廉隅自飭奉身務刻苦不令諸子自隨曰幸自爲計無厚田宅遺汝也恆於三禮多創解精小學尤工書法以求者衆取敗筆書之以自損然得者舉寶之

方怡

怡字子順陽湖人光緒十九年副貢幼失父母無遺產隨兄游學兄卒益肆

力於學攻考據掌故詩古文辭與舉子業並進有心得窮究世界政治藝術以自輔尤潛研推算怡先於光緒十七年以優貢應廷試列一等用知縣後官廣東秀水陶勤肅公重之入幕主奏疏會求言詔下勤肅請裁內監以祛千數百年積弊事格而傳草海內一時雒誦想望丰采其文怡筆也怡督糧廣州絕苞苴嗣復治鹽政旋晉知府其時羣吏騷然亟亟曰新政怡謂勤肅曰教育曰警察而已遂提調學務並籌辦一省警察廣東學校增進竊盜寢息皆怡手定條章會按察使袒某紳強怡費一無罪巡士怡怫然去總督岑春煊正討賊粵西電留調使總理軍學軍學寫於省治僕僕往來適盛夏督操於野被雨衣盡濡左右勸罷不從不十日而病不起

張 誥

誥一名浩字玉琳別號觀我生武進人性豪邁取與不苟好飲酒妙語解頤善謳曲喜天文理數之術創製渾天儀以窺測天象貧甚則製渾天儀出售之笑謂人曰靠天吃飯善寫墨竹奇石氣韻遠出詩亦俊逸

劉炳照

炳照字光珊晚號語石陽湖人諸生工詩詞譚獻篋中詞錄稱許備至

楊光暄

光暄字仲暘武進人直隸補用知縣幼遭兵燹舉家殉難光暄遇救得不死亂平返里故廬無存讀書城東廢寺累舉不第乃棄舉子業豪筆四方善繪山水臨摹古人名迹昕夕不倦幼年落筆便超鄉先輩汪昉極稱道之其畫清微淡遠有士夫氣天假之年不難力追古人光緒二年卒年三十八

楊葆彝

葆彝字佩瑗號遯阿又號大亭山人武進人以難蔭襲職保知縣在浙歷任諸縣所至有政聲工書畫於學無所不窺其所著墨子經校注瑞安孫詒讓采其說入墨子閒詁喜刻書有大亭山館叢書行世

許衍熙

衍熙字鴻臣號寬甫陽湖人棧子篤志墳策潛研說文詩追大謝善鑿繪山水

黃山壽

山壽字昂初號旭遲老人武進人工畫仕女精篆隸嘗摹改七蕪畫本張之萬見之不能辨由是聲譽日起晚年兼擅山水

錢宗堯

宗堯字祝唐號竹溪武進西倉里人心榮長子幼耽書畫嘗從糜小牧遊得繪山水之傳法宗四王筆墨不落恆蹊墨龍亦稱擅長中年以醫問世治人疾志在仁術無時下醫積習邑中育嬰堂嬰兒有疾親爲義務診治垂四十餘年

△丁定安

定安武進人洪楊之亂父及兄姊皆死於亂離之中定安年稚隨母避難至江北亂平返里家產蕩然無存母命出就外傅勤讀勿輟並瀏覽方書初業商因秉性剛直不善經營棄商行醫於海上初母病甚危定安焚香祝禱割股和藥以進得以轉危爲安越十二年無疾以終迨後定安亦以病重昏不知人其子光辰斷指療親得復健康後六年而卒享壽六十三歲

呂景端

景端字幼齡號蟄盒又號藥禪陽湖人光緒八年舉人十五年考取內閣中書少以文章經濟知名海內嘗得科名官京師仕進有階矣而終不進歷佐幕府於內政外交多所匡贊其隱禪於國計民生者甚大而終未嘗躬操尺寸之柄晚年居盛宣懷幕府最久一切重要筆札均出其手所作詩文工麗秀逸並擅倚聲庚午卒年七十二

△謝 潤

潤字葆初武進人縣學生世居孝西鄉羅墅灣鎮長身玉立氣豪口訥飲量過人因此早得手振病遂棄舉業專攻醫學父漢廷本精醫術得其傳授又問業於孟河馬氏以清初三大家爲宗而博覽各派學說家貧夕不能舉火則默誦傷寒金匱內難等書循環無間而對於施濟貧病仍樂而不倦族黨欽其行誼推爲宗正光緒十八年以咳疾卒年六十二葬之日鄉閭皆慟遺著有醫林纂要數十卷其孫利恆因其原稿而損益之成中國醫學大辭典三百萬言民國以來風行海內

謝鍾英

鍾英字鍾英葆初子光緒十四年舉人幼時遭洪楊之亂常窮餓不得食比長刻苦勵學尤好輿地家言家貧無書手撫胡文忠公所刊地圖匝月而就爲文恢奇橫厲上追秦漢嘗病洪亮吉三國疆域志之缺誤爲之補注審其事跡年月以斷是非折衷於陳壽原志自州郡至於關津鎮戍廢置分合必求故事以實之雖以陳志爲主而郡國省置不可勝紀且遙領虛封同名異地先後錯雜復未盡一莫不窮源竟委徵求故事而疆域以明百年之間疆場之無常者區分國土以最後爲斷凡所徵引務令今古相符抉擇之難蓋甚於採集矣鄉舉後入都與一時聞人遊聲稱大起益博涉經史百家言深究古今治亂興亡之故後宗姚江之學自謂能通其突竄毅然欲有爲於當世江蘇布政使黃彭年邀至吳門論學論政深相契合嗣又從張文襄公於武昌亦深重其人臺灣巡撫邵友濂復延其整理臺南鹽務搜剔宿弊吏畏而課增人稱其能旋以知縣分發湖南大吏令清丈南州廩屬洞庭湖沙田勾稽冊籍立標起丈當寒風烈日中親自指揮懲奸蠹絕私弊民無間言戊戌以後朝局不靖黨派漸生鍾英回里授徒講學重理百家之言兼綜易老

歧黃少時過於刻苦勞心又太過遂得胃病中年後病益深年四十七而卒實光緒二十七年也遺著三國疆域志補注十九卷用力十年易稿五次精博絕倫

費念慈

念慈字屺懷號西蠡陽湖人光緒十五年進士散館授編脩十七年任浙江副主考爲言路指摘遂棄官歸光緒中葉念慈及文廷式江標在詞館皆有聲譽三人年相若才相伯仲聲氣標榜大率以博聞強識篤古媚學爲歸念慈沉着勝江標密緻勝文廷式其後江標鴛新說文廷式枋用所詣日退念慈歸田後優游家術修綆自汲卽鑑賞餘事亦非江文所及工書善畫山水

龔肇宗 父良若

肇宗字少相別號兩華道人武進人咸豐時有良若者官山東寧陽典史十年之秋捻寇陷城罵賊而死祀寧陽忠義祠肇宗父也肇宗七歲蔭雲騎尉世職從母吳馳驅兵寇間未嘗一日失書吳故工詩善書畫盡以其法授肇宗文彩奕然映照當時年十四母卒哀痛毀瘠見者嗟歎服旣闋從軍隴上

亂平訪其姊壻某於大梁以河工勞保巡檢留河南權商城生食暇巡檢有能名然淡然寡營性不喜阿尊時爲歌詩自遣書法道媚追趨二王而於畫尤精絕嘗言不工詩則畫無韻不工書則畫無骨故古人謂畫曰作曰寫作者以詩爲畫也寫者以書法運之於畫也肇宗之畫生平凡三變而最重法度謂世有名畫少法畫畫不諳法野狐禪耳初習仕女嗣又習花鳥後畫山水臨寫唐宋元明以來諸家殆徧而以石谷爲歸宿謂石谷能合南北兩宗鎔於一冶蓋集古今之大成者也所摹石谷畫凡數百本參錯几席間真贋幾相亂莫辨光宣之際陸子英鋼姜穎生筠以善畫名見之皆嗟然自歎弗及也蓋晚近一人而已光緒壬辰河督許文敏公振禱勗建書院徵能書畫者飾堂壁肇宗與德清徐少甫各作文二花鳥屏十二幅徐以筆力勝而肇宗獨以韻勝許公謂惲蔣復生不是過也

惲毓鼎

毓鼎字薇孫號澄齋大興籍陽湖人光緒十五年進士翰林院編修官至侍讀學士生而穎異讀書數行下博綜羣籍爲學不分漢宋門戶治詩古文辭

皆有心得善書神似東坡邃醫理爲人治病輒效其在官遇事陳奏兩宮未嘗不稱善駸駸柄用矣迺迴翔二十年而僅止於是豈所謂命邪非邪抑有尼之者邪

惲毓齡

毓齡字季申號靈護又號介騫別號野悉蜜花館主人陽湖人祖詒子光緒十四年舉人十五年考取中書截取同知旋以知府分發安徽署安慶府知府晉道員宣統三年檄署勸業道見事不可爲謝而赴滬二十餘年不問世事丙子卒年八十少幼學人品學問炳然於時詩文皆典雅凝重酷肖其人凡有所作一時稱誦讀書至老不倦藏書之富邑無其匹

△劉鳳昇

鳳昇字遵法武進人父養浩爲邑中名儒學者稱淡庵先生先生杜門養晦教授鄉里生六子惟次子鳳昇繼承父業其餘諸子將屆成年皆令棄書習賈值洪楊之亂蔓延長江下游蘇浙兩省恃江南大營爲保障淡庵先生隨里中紳耆辦團練四子鳳書經商清淮往來揚鎮間觀察時勢深慮大營一

且不保蘇常將當其衝密與兄謀奉父母避地清淮乘間進言浚庵先生佛然不悅謂吾雖一窮諸生亦廁士紳之末臨難苟免吾勿爲也鳳書旁皇數日計無所出鳳昇涕泣而請曰鳳書之意皆諸兄弟之意也願父納其言里中守城之事兒願任之兒亦一諸生萬一事急兒與媳當死之決不遺父母羞吾家百餘年來未登仕籍兒與媳以死報國是亦足矣兒死無憾願父納鳳書之言浚庵先生泫然曰汝能報國吾允汝矣於是鳳書奉板輿至淮安居於北宋莊庚申二月江南大營兵潰四月常州城陷鳳昇夫婦果殉焉

△劉樹屏

樹屏字葆良武進人鳳書長子爲諸生時應學使者科歲試屢列第一光緒乙酉與從兄劉可毅同以拔萃貢入成均戊子舉於鄉己丑考取內閣中書庚寅成進士改庶吉士壬辰散館授職檢討癸巳恩科充順天鄉試同考官甲午而後鑒於排偶聲韻之文學非所用慨然有改革之思與里中士紳協力改龍城書院爲致用精舍意在提倡實學旋以道員需次安徽癸卯署理徽寧池廣太兵備道兼蕪湖關監督關監督號稱優缺樹屏任事僅三閱月

搜剔陋規悉以充公以其款創辦皖南中學延本地士紳主其事建築校舍於赭山之麓皖南人士至今稱之嗣上海鉅商葉澄衷以遺產建設學校樹屏爲之規畫自任校長二年規模粗具卽薦賢自代又曾一度代理南洋公學監督嗣充津浦鐵路南段總辦未二年辭去辛亥革命後遂不復出民國六年卒於北京年六十有一樹屏幼年讀書記誦不異常人而刻苦自勵人所不及家境清寒在里中設帳授徒自給從游者甚衆齋舍患不能容樹屏量才授課分班講解娓娓不倦常至夜分內行修飭篤於手足之誼有同懷弟五人自童年以至成人衣食教誨大半由樹屏任之其卒也諸弟皆號踊失聲弟懽年少於樹屏僅四歲幼從樹屏學旋卽與樹屏齊名里人與可毅並稱三劉

劉可毅

可毅原名毓麟字葆真武進人光緒十八年會試第一官編脩工詩古文湛深博大出自天授於經史大義中外近情循流討源貫澈首尾旁及藝物裨乘一名一物之微大叩小叩無不應者尤熟於中興兵事酒酣耳熱激直慷